



~~Geschichte~~

~~II.~~

~~II.~~

24

Ne

zu 00

viel Angebundene

R

(1-24)

Türkische Niederlag vnd
Neue Zeytung.



Ein kurzer Bericht/wie es
sich auff der gehaltenen Schlacht/so das Deut-
sche vnd Hungarische Kriegsvolk/in Obern Ungern/deren
achzehen Hundert starck/zu Ross/mit dem Erbfeind dem Türcken/
der in acht Tausent starck/vnd damit den ganzen Krenß Obern
Hungern zuuerheeren vermeint(wie die gefangenen
Türcken selbs bekendt) Vor Sigeet gehalten/
begeben vnd zugetragen hat. Geschehen
den 8. Octobris/Anno 1588.



19

Faint, illegible text, possibly bleed-through from the reverse side of the page.



Schreiben auß Cascha gen Wien.

Den fünften vnd sechsten Octobris/ist allhier Zeitung kommen, das die Türcken bey etlich tausent starck/ zu Bilseck sich samlen/ vnd haben in willens einen streiff in Obern Bubern zuthun/ Wohin/ oder auf welches Haus/ solch ihr intent gericht/ hat man damals nicht eygentlich kundschafft haben können.

Den sibenden diß Monats/ hat man wider kundschafft/ das die Türcken gesunnet das Castell Putuor einzunemen/ auch allbereyt zu nechst darben gewest/ vber Nachdarben gelegen/ vnd hinein entbotten/ sie sollen dasselb auffgeben/ Im fall sie es thun/ sollen sie mit Haab vnd Gut abgelassen werden/ Wo nicht/ so wollen sie dasselb in grundt nider schiessen/ vnd mit Sewer verbrennen/ Das auch das Kind in Mutter Leib nicht soll verschonet werden. Darauf hat vnser Kriegsvolck/ soviel in eyrl hat zusammen kommen mögen/ sich zu S. Andrea versamlet vnd verfüget/ biß sie vernehmen mögen/ wohin sie eygentlich zuziehen gesinnet.

Gemelten tag sein die Türcken also fortgerückt/ vnd auff Sekio Peter zugezogen/ daselbst vber nacht geblieben. Nachfolgenden achten/ sein sie strack miteinander vnd mit hellem hauffen nach Siget gezogen/ daselbst
A ij gegen

gegen dem Abendt/ als die Sonne beginnet vnter zu-
gehen/ mit grosser gewalt vnd macht/ in die eylfftausent
starck ankommen/ die Kirchen mit dem Feldtgeschütz/
so sie mitgeführt/ beschossen/ vnd alsdann dieselb mit
samt den Marckt in den brandt gesteckt. Die zu Ross/
vnd die Janitscharn zu fuß/ haben sie mit irem Feldt-
geschütz alsbald in ire Schlachtordnung gestellt. Dar-
auff hat vnser Kriegsvolk/ welches auch gleich baldt
darnach daselbst hin gen Eiget ankommen/ Ob wol
derselben wenig/ vnd vber 1800. alles zu Ross nicht ge-
wesen/ doch mit frischem gemüht alsbalden in sie ge-
setzt/ vnd mit iren geschlagen/ vnd ire schlachtordnung
also gemacht/ das die Hussaren zu Feldt/ vnd S. An-
drea in der mitten/ auff der rechten seiten die Archibus-
sier/ roth vnd gelb Röck/ zu feldt auff der linken seiten
die Deutschen schwarzen Reuter/ vnd neben ihnen die
Weißröck/ so von S. Andrea gewesen sein.

Da nun die Vnsern in solcher ordnung auff den
Feind der Hauptfahnen zugerückt/ Ist der Feind gar
starck in seiner Ordnung blieben/ vnd keinen fuß fort-
gesetzt/ welches sonst nicht sein gebrauch/ biß die vnsern
gar hart an sie gestossen/ vnd auff sie loszubrennen an-
gefangen. Darauff ist alsbald das Feldgeschütz so die
Türcken mitgehabt/ vnd auff der linken seiten gehal-
ten/ auff sie gericht/ welches die vnsern nicht gewüßt/
Auch wegen der vorstehenden Nacht/ nicht sehen könn-
den.

nen/allein von der kunst ein weniglicht empfänglich
vnd sich behelffen müssen/ abgangen/ Vnd vnter den
Weißröcken/ welche zu nechst auff derselben seiten ge-
halten/grossen schaden gethan.

Als nun die vnsern in solcher irer ordnung/ strack
fort/vnd in sie gesetzt/vnd vermeint sich durch den hel-
len-Hauffen zu schlagen/Haben die Janitscharn/wel-
cher eine grosse anzahl gewesen/herumb gestraift/vnd sie
vmbzogen/ doch ihre schlachtordnung nicht verwendet
noch verrückt/mit irem schiessen/auff derselben seiten/
den vnsern Archibuseren/ als gelb vnd rothröckeln/
auch grossen schaden zugesügt/vnd also die vnsern gar
vmbbringt vnd vmbfangen/das sie nach erstem getha-
nem abschiesse/ in der ordnung zu keiner ladung ha-
ben mehr kommen mögen.

Auff solches hat der Herr Bagokin Sigmund D.
herster zu Orla/mit seinem vnd vnserm Rest der Hus-
saren/den vnsern nach/ in hellen Hauffen/hinder dem
Geschütz eingesetzt/ dem Feind das Geschütz als bald
abgerendt/ mit gewalt in denselben Hauffen getrun-
gen/vnd mit obgemelten Deutschen Reutern/ Archi-
busier vnd Hussaren zweymal durchgeschlagen/Das
sich letztlich derselb Hauff in etlich ort zertrent/vnd also
vnter einander vermischet worden/das kein theil/ we-
der der vnsern noch der Türckengewust/ welcher noch
obgesieget hett.

A iij

Her.

Hernach hat sich noch ein heufflein der unsern frisch
her befunden/ zu welchen auch die andern unsern etz
liche gestossen/ die haben sich wider gewandt/ vnd mit
frischem muth auff die Türcken geschlagen/ vnd ihnen
das hertz abgewonnen/ das sie sich in die flucht geben/
Die sein also dermassen hin vnd wider zerstreuet vnd
verjagt worden/ das man sie des morgens früe an al
len orten auffgetlaubt vnd gefangen hat. Auff der
Wallstatt sein nach volbrachter Schlacht über die
zwölffhundert Türckische köpff gefunden worden.

Herr Kagorzi Sigmund hat sich wegen des Was
scha von Temerschwar/ vnd Begen von Jula/ auff des
gefangenen Kihata von Ofen/ so er bey sich gehabt/
aussage vnd bekandnuß/ welche auch zugleich haben
ausziehen sollen/ aber der zeit vnd des Tags verfehlt/
nicht lang seumen dürfen/ sondern wider nach Erla
verrückt. Ist auch alsbalden am Sonntag nach besche
hener Schlacht/ selbst hin mit den seinigen verreis/
Auch über 200. Türcken/ sampt dem Kihata mit sich
genommen. Herr Humana) Isivan/ hat auch bey 100.
mit sich nach Haus genommen. Die unserigen haben
inen noch auff drey meil nachgejagt/ vnd inen noch vil
abgeschlagen vnd gefangen.

Zu S. Andrea sein auch bisher über die sechzig le
bendiger Türcken/ vnd in die hundert köpff gebracht/
So hat vnd weiß man das ausser deren allheret vnd
noch

nöch teglich hin vnd wider von dem Kriegsvolck/ auch
Bawrn vnd Landvolck gefangen werden/ das also
der Türcken lebendig vnd todt vber die 10000. blieben
sein. Der vnsern Deutschen Reuter sollen bey sechzig
Man/ der Archibuser auch bey sechzig/ vnd der Hus-
saren aller zusammen drithalb hundert blieben sein.

Das Feldgeschütz/ sampt einer grossen anzal Wä-
gen/ darauff sie allerley prouiant/ von gesalzenem
Fleisch/ Schenszungen/ höntig vnd dergleichen gehabt/
so sie verlassen/ haben die vnsern bekommen.

Den vergangenen Sonntag ist durch den Binge-
rischen Bischoff vnd Kanzler die Hohmef darauff
gehalten worden/ als bald außgelut/ die K. Mit. in die
Kirchen kommen/ da hat man das Te Deum lauda-
mus gesungen/ vnd erslich dar auff zwölff Tumme-
ker vnter der Orgel mit freuden außgeblasen/ welcher
Proceß also drey mal gehalten worden/ Alsdenn das
gemein Gebet darauff gesprochen/ vnd folgend die
Hohmef angefangen/ vnd dann die Glocken bey
einer halben stundt/ in allen Kirchen
gelutet.

Nachgedruckt in der Fürstlichen Statt Go-
burgk/ durch Valentin Kröner.



Türkische Niederlag vnd
Neue Zeytung.

Ein kurzer Bericht/wie es
sich auff der gehaltenen Schlacht/ so das Deut-
sche vnd Hungarische Kriegsvold/ in Obern Ungern/ deren
achzehen Hundert starck/ zu Ross/ mit dem Erbfeind dem Türcken/
der in acht Tausent starck/ vnd damit den ganzen Krenß Obern
Hungern zuuerheeren vermeint (wie die gefangenen
Türcken selbs bekendt) Vor Siget gehalten/
übergeben vnd zugetragen hat. Geschehen
den 8. Octobris/ Anno 1588.



19

